




KHUTBA JUMMAH
HADHRAT MUHYI-UD-DIN AL-KHALIFATULLAH
MUNIR AHMAD AZIM

01 Février 2019
 25 Jamadi'ul Awwal 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor :

SIGNES POU BANE ULUL-AL-BAAB



Wa maa kaana li-nafsin 'antu' mina 'illaa bi-'iz-nillaah: wa yaj-'alu-rijsa 'alal-laziina laa ya'-qiluun.

C'est pas possible ki kikaine gagne la foi, excepter par la grâce d'Allah. Et Li envoie déshonneur lor bane ki refuse comprend. (Yunus 10 : 101).

Alhamdulillah, Summa Alhamdulillah, Allah montrer So bane signes dans bane façons extraordinaire. Parfois, dans bane kitchoses simples et ki pas capave imaginer. Li capave montrer So bane signes dans ene grand façon. Certainement Allah guide celui ki Li ouler vers le droit chemin, et kan Li guide So bane serviteurs, Li ouvert la porte de la connaissance spirituelle pour zot et faire zot comprend même ene chose ki parette simple et sans z'importance et Li faire zot trouve sa kitchose là so l'importance.

Depuis quelques semaines maintenant, mo fine recevoir deux vidéos de saki le quatrième calife du Mouvement Ahmadiyya fine causer dans deux l'occasions, ene durant so Dars-ul-Quran, le 19 Février 1995, et l'autre durant dernier jour du Jalsa Salana de l'année 2000. Mo remercier mo bane disciples Mukarram Naib Amir Hariz Sahib, Mukarram Naib Amir Saleem Sahib et Mukarram Naib Amir Fazil Jamal Sahib ki fine informe moi de sa bane vidéos là et fine aide dans la traduction d'Anglais et de Tamil, surtout concernant le *Dars-ul-Quran* ki le quatrième calife ti fer le 19 Février 1995.

Mo tenir à fer ressortir à tous bane chercheurs de vérité, à tous bane *Ulul-al-Baab* (dimounes ki doué d'intelligence) ki Allah manifester certains signes dans bane moments inattendu et sa bane signes là capave à ene point donner dans l'avenir prend tout so l'importance.

Vers la fin de so *Dars-ul-Quran* le 19 Février 1995, Hazrat Mirza Tahir Ahmad (Ki Allah pardonne li) fine dire, et li cite ene parole ki Hazrat Musleh Ma'ud Mirza Bashiruddin Mahmud Ahmad (ra) ti dire pendant so Khutba Jummah, le 07 Janvier 1938 : « *Le jour li pas loin, kan ene dimoune pou assize dans ene sel place et li capave gouverne partout.* »

A sa l'épok là, Hazrat Mirza Tahir Ahmad ti ena neuf ans. Li raconter ki à sa l'époque là, pour la première fois le 07 Janvier 1938 ti installe haut-parleurs dans Masjid-e-Aqsa dans Qadian et ki alors le Musleh Ma'ud (ra) ene 07 Janvier fine pour la première fois faire so Khutba dans haut-parleurs. Et ensuite Hazrat Mirza Tahir Ahmad prend so propre l'exemple, et li dire ki dans so l'époque astaire, le 07 Janvier 1994, pour la première fois, fine lance le Muslim Television Ahmadiyya (MTA) **OFFICIELLEMENT** au niveau international 24 lor 24, tous les jours depuis l'Ile Maurice.

Sa moment extraordinaire là mo pas pou oublier, kan ti lance le MTA international depuis mo l'Ile natale, Maurice. Et sa jour là ti mo *Janam Din* (anniversaire/ jour de naissance), kot mo gagne 33 ans. Et Allah fine choisir sa date historique là, le 07 Janvier pou fer manifester ene tel l'évènement mondiale dans nous ti l'Ile Maurice. Kan sa ti arriver, Allah ti mette sa dans mo l'esprit, ti fer moi fer sa réflexion là, ki après Londres, l'Angleterre c'est Maurice dans tous l'aspect ki fine gagne sa l'honneur pour gagne le message de Hazrat Massih Ma'ud (as) et kot le

Jamaat Ahmadiyya fine implanter. Et voilà ki après Londres, le MTA fine lancer au niveau mondiale 24 lor 24 depuis Maurice même ene 07 Janvier. Mo fine partage sa réflexion là avec ene dimoune ki appelle (feu) Hassen Ramjaun, kot li fine d'accord avec moi, et li de so part, fine alle dire sa avec bane délégations de Hazrat Mirza Tahir Ahmad, kot kan sa fine rentre dans z'oreille le Calife, li fine bien d'accord avec sa réflexion là, et par la suite, li fine partage sa avec le monde.

Et même réflexion, kan feu Bhye Hassen Ramjaun fine raconte sa avec bane responsables du Jamaat à Maurice, bane là pas fine prend sa en considération ; zot fine fer sourdes d'oreilles. Zot pas fine donne sa aucaine l'importance, parski à sa l'époque là zot ti prend moi comme ene simple chauffeur du Jamaat. Feu Bhye Hassen Ramjaun kan li fine zoine moi à soir, avant *Salat-ul-Maghrib*, li fine raconte moi saki fine passer, kan li fine raconte sa certains de bane responsables du Jamaat à Maurice, kot zot pas fine prend sa en considération. A sa l'époque là, feu Bhye Hassen Ramjaun ti ena ene grand l'estime pou moi, et à sak fois li ti pé cause mo bane travaux *tabligh* et li ti content écoute moi raconte mo bane anecdotes de *tabligh* et parfois li ti pé servi mo bane anecdotes dans so bane discours dans Jalsa Salana et bane les autres programmes.

Maintenant avec la Manifestation Divine à Maurice, le 07 Janvier et tous bane prophécies de Hazrat Massih Ma'ud (as) et du Musleh Ma'ud (ra) concernant bane réformateurs et messies ki pou vini après, par le *Ruh-il-Qouddouss*, mo bizin dire zot, ki azordi, dans ene façon extraordinaire, date pou date, Allah fine accompli sa bane paroles bénis là et faire sa manifester pour So Messenger Choisi, le Khalifatullah de sa l'époque là. Non seulement, mo fine né le 07 Janvier 1961, mais aussi c'est dans l'époque de Hazrat Mirza Tahir Ahmad ki fine gagne sa grand l'évènement là, kot Allah change le trajectoire de So la lumière et élève sans le vote de l'homme, ene So propre dimoune avec le *Ruh'il Qouddouss*. Li fine établi ene Khalifatullah, ene réformateur et messenger islamique au niveau mondiale, et Li fine équipe li avec ene plus haut forme de technologie en forme de Internet, et Site-web et toute forme de communication rapide, avec ene clic seulement de la main pour capave contrôle sa le monde là, surtout tous bane croyants pieux et sincères ki forme partie du « réseau » spirituelle d'Allah. Alors sa parole de Hazrat Musleh Ma'ud (ra) fine accompli en toute so splendeur kan sa humble serviteur là fine gagne so 40 ans, dans ene nouvo siècle (ki li grégorien et islamique) kot : « *ene dimoune pou assize dans ene sel place et li capave gouverne partout.* »

Et sa dimoune là, ki Allah aussi fine élever en 2004 comme le *Musleh Ma'ud* de sa siècle, alors sa dimoune là dans le contexte de la spiritualité, dans le contexte de l'Islam et du Jamaat de Hazrat Massih Ma'ud (as) et du Musleh Ma'ud (ra) fine matérialiser avec splendeur. *Allahu Akbar*.

Donc, nous trouver ki à l'époque du Musleh Ma'ud Hazrat Mirza Bashiruddin Mahmud Ahmad (ra), Allah fine fer li dire ene tel parole ki dans vivant ene l'autre Musleh Ma'ud, sa fine réaliser, dans toute so splendeur. Haut-parleurs à sa l'époque là ti ene grand invention, et moyen de communication, et sa ti passer ene 07 Janvier, et le 07 Janvier 1994, ene l'autre dimoune ki Allah pou choisir comme ene deuxième Musleh Ma'ud et So Khalifatullah, Allah fer li-même (moi-même) fer sa réflexion là et partage sa kot sa fine rentre dans z'oreille du quatrième calife du Mouvement Ahmadiyya. Malgré ki Londres, l'Angleterre ti ene l'endroit et pays plus développer ki Maurice, mais Allah fine choisir Maurice même, sa l'endroit kot So Messenger ti fini prend naissance et pou arrive à so destinée (en tant ki So serviteur Élu) pour faire lance le MTA, Muslim Television Ahmadiyya 24 lor 24 au niveau mondiale. Et c'est le 07 Janvier même ki sa dimoune ki pou deboute dans ene place et contrôle partout, ene l'autre Musleh Ma'ud fine prend naissance dans sa ti l'Ile ki appelle Maurice là. Sa c'est ene réflexion pou bane ki doués d'intelligence.

Au fond de li-même, Hazrat Mirza Tahir Ahmad ti envie vine sa dimoune béni ki Hazrat Massih Ma'ud (as) ti prophétiser et ki dans so perception li pas ti à propos du Musleh Ma'ud, Hazrat Mirza Bashiruddin Mahmud Ahmad (ra), so papa. Sa concerne ene *duah* ki li ti fer le troisième et dernier jour du Jalsa Salana de l'an 2000, c'est-à-dire, le 30 Juillet 2000. Et Abdul Ghaffar Janbah Sahib aussi fine mentionne sa dans so Khutba Jummah du 23 Novembre 2018.

Dans so dernier discours du Jalsa Salana, Hazrat Mirza Tahir Ahmad fine demande Jamaat en entier pou fer *duah* pou li ki sa prophécie là, à propos ene « *Mubarak Wajood* » (dimoune béni) li manifester dans li-même, ki li-même li vine sa dimoune béni là. Mais couma ene mo disciple dans Delhi fine attire mo l'attention, kot li (Hazrat Mukarram Fazil Jamal Sahib) dire :

« ... Couma Huzur (atba) pou rappelle, dans Jalsa UK de l'an 2000 ; le deuxième jour, Huzur (atba) [c'est-à-dire, le Khalifatullah] ti être reconnu de façon spéciale par le quatrième calife pour bane contributions et services spéciale dans

*Seychelles. Dans sa même Jalsa là, le jour suivant, le dernier jour, apparemment Khalifatul Massih IV 'fine fer ene requête à Jamaat en entier pou prier pou li-même dans ene façon bien humble.' Li parette ki depuis bane prophécies du Messie Promis (as), le quatrième calife fine apparemment comprend ki ene « **Mubarak Wajood** » (personne béni/ Élu d'Allah ?) pou apparette dans « descendance » du Messie Promis (as), et ki possiblement li ti envie ki Allah (swt) accorde sa bénédiction exceptionnel là lors li-même... Si le quatrième Khalifatul Massih fine honore Huzur (atba) ene jour et le lendemain li fine fer l'appel pou fer duah pour la réalisation d'ene grand prophécie du Messie Promis (as), mo penser ki sa c'est ene signe bien intéressant pou réfléchi lors là. »*

Sa déduction de mo disciple Hazrat Mukarram Fazil Jamal Sahib li en li-même ene réflexion bien profond. Sa fer moi pense à Maulana Ahmad Shah Noorani, le leader du World Islamic Mission. Couma mo ti déjà dire zot, Shah Ahmad Noorani ti déclare li le Mujaddid du 15^{ème} siècle. Couma li fini tire ene livre kot li pé faire sa déclaration là, peu de temps après, li fine trouve la mort. Et alors so bane suivants fine cachiette sa livre proclamation là pou ki sa pas vine ene polémique parmi so bane suivants, et aussi le reste de l'Oumma de Hazrat Muhammad (saws). Saki pas bon dans sa mentalité là, c'est ki, pour zot, zot capave cachiette zot bane livres et pas ena aucaine critique lors zot, tandis ki zot accuse bane Ahmadis ki nous cachiette bane livres de Hazrat Massih Ma'ud (as). Sa c'est pas correcte, et *Insha-Allah*, le moment pou vini kot tous so bane livres pou être traduit couma bizin, et aussi bizin comprend dans ki situations li ti pé dire saki li ti pé dire, et non pas prend sa bane paroles là et dire ki li pé prend li-même pli grand ki Hazrat Muhammad (saws) ! *Nawzobillah min Zaalik* !

Sa bane *duahs* ki Hazrat Mirza Tahir Ahmad fine fer pour ki Allah élève li-même comme So dimoune béni, c'est parski li ti croire ki tout bane Khalifa-tul-Massih, du Jamaat Ahmadiyya ki élu par l'homme pou obligatoirement bane Mujaddids jusqu'à la fin du monde. Mais li fine faire fausse route. Li fine fer ene *duah*, oui mais kot Allah fine choisir So propre dimoune, et li fine honore sa dimoune là devant tout le Jamaat Ahmadiyya, de façon mondiale, kot sa aussi fine passe lors MTA, ki ti lancer au niveau mondiale le 07 Janvier, date ki sa dimoune ki li fine honorer pour so bane travaux de Deen, fine prend naissance. Et aujourd'hui par la grâce d'Allah, malgré ki li ti envoie *Laanat* (malédiction) lors moi, mais azordi, c'est moi, *Alhamdulillah*, ki présent devant zot et li, li fine goûte la mort pendant

mo vivant. Mo pas pé dire sa pour vente mo-même, mais ena là-dans bane signes [pour bane ki envie conne la vérité].

Li ti accepter ki li rempli de manquements et ki li manque de connaissances, mais li fine montrer li arrogant et refuse accepter celui ki Allah fine élever. Li fine montrer ene jalousie intense, pareil couma Ibliss ti montrer ene jalousie intense kan Allah fine créer et élever Hazrat Adam (as) couma So Khalifatullah, avec le *Ruh'il Qouddouss*. Li malheureux saki fine arriver. Mo ti ena beaucoup de respect et de l'amour pour li en tant ki le chef spirituel du Jamaat Ahmadiyya à so l'époque, mais kan li fine fer arrogant, kan li fine mal interprète bane prophécies de Hazrat Massih Ma'ud (as) et même de Hazrat Muhammad (saws) concernant la venue de bane *Mujaddids* dans chaque siècle, kot li qualifier sa comme ene « *fitna* » (kitchose de mal), alors pareil couma Allah ti élève Hazrat Moosa (as) pou fer face Pharaon, so papa adoptif, pareillement, Allah fine servi moi comme So propre instrument pou montrer le droit chemin à Hazrat Mirza Tahir Ahmad (Ki Allah pardonne li), mais malheureusement li fine préfère faire sourde d'oreille et mette nous [Munir Ahmad Azim et Zafrullah Domun Sahib] enhors du *Nizam-e-Jamaat Ahmadiyya* et li fine dire « *deux aller, par millions pou vini* » et avec l'arrogance, li fine dire nous alle forme nous propre Jamaat !

Mais Allah fine désapprouve saki li fine dire contre so Élu, et c'est Li ki fine protège moi et tous bane ki fine sincèrement croire dans moi jusqu'à azordi, et *Insha-Allah*, Li pou contigne déverse So *Fazl* (grâce) lors nous et faire l'Islam retrouve so gloire et stabilité à travers nous, à travers So Jamaat Ul Sahih Al Islam, *Insha-Allah*.

Même Hazrat Massih Ma'ud (as) fine dire dans ene so bane écrits :

« [Li] extrêmement insultant et méchant pou servi ene langage insultant à propos de bane fondateurs honorés de bane différents confessions [la foi], ki Allah ti choisir dans So sagesse infinie et dans So volonté divine spéciale pour vine bane dirigeants et bane guides de zot nations. C'est à travers zot l'âmes éclairé ki le monde fine béni de la lumière de l'adoration d'Allah et de l'unicité d'Allah. Zot l'enseignements puissants fine déracine l'idolâtrie et l'adoration de bane créatures – la racine de tous bane mals – de la plupart de bane régions du monde. C'est zot ki ti redonne la vie à pié sec du souvenir d'ene sel Dieu et zot fine érige (construire) l'édifice de l'adoration d'Allah lors bane bases solides, ene tel édifice ki ti tomber.

Zot ti bane élus de Dieu ki Li ti prend sous So protection bienveillant et fine soutenir zot d'ene façon bien extraordinaire ki même si bane millions fine deboute contre zot, zot fine reste solide et résolu dans zot mission. Bondié fine sauve zot depuis sak calamité et depuis bane complots de tout bane fouteurs dézordes ziska ki zot fine établir la vérité lors la terre. Pou calomnier ene tel élu de Dieu li ene grand acte d'impiété, ene bien mauvais action et ene grand acte d'insolence. » (p.110; Barahin-e-Ahmadiyya, Parties I et II, Royaume-Uni: Islam International Publications Ltd. (2012).

Alors tous sa c'est matière à réfléchir. Et ki sanlà ki pou profite de sa ? C'est bane chercheurs de vérités, bane *Ulul-al-Baab* (bane ki vraiment intelligents), bane ki servi zot l'esprit, bane ki Allah fine purifier zot l'esprit et fine donne zot la faculté pou reconnaître et accepter la vérité. En vérité, sans la permission d'Allah, personne pas ti pou ena la foi, mais Allah guide celui ki Li ouler vers le droit chemin, et Li spécialement aide bane ki faire zéffort pou reconnaitre la véracité de l'Islam et de So bane messagers et vine de l'avant pou accepter zot, arrive saki arrive, même si zot ena pou faire bane sacrifices de toutes sortes pou attirer le plaisir d'Allah lors zot et obéir Li et So Messenger dans ene façon exemplaire. *Insha-Allah.*

Ki Allah aide zot pou comprendre sa Khutba là et pou vine de l'avant pou reconnaitre la vérité d'Allah dans sa siècle là en forme de l'avènement de So Khalifatullah et le Jamaat Ul Sahih Al Islam. *Insha-Allah, Ameen.*